



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

5. Geilana adultera S. Kilianum & socios Martyrio afficit.

**urn:nbn:de:hbz:466:1-45686**

sustineat, cum Hecuba, sub eodem tecto degere? Notissimum est, quod supra attigi, fuisse, qui suspendi in furcam mallei, quam laqueo liberari, ab ea femina, quae eum, dum jam ducetur, in matrimonium sibi depositabat. Iudicauerat enim ex acumine nasi, nimis esse biliosam, eaque propter, cum carnifice portiu ad coruos pergere, quam ad perpetuam item, domum redire malebat. Usque adeo, ipso patibulo maior cur est, habitare cum muliere rixosa & iracunda.

Prou. 21. 19.

IV.

Marc. 6. 24.  
Matth. 14. 8.

Quod si quis iracundæ mulieris, & maximè etiam adulteræ exemplum cupit audire, S. Marcum audeat, aut Matthæum legat: inueniet mœcham, apud regem, effecisse, ut inter epulas ferale illud ferculum in mensam inferretur, atque inter pictas pauones, inter phasianos, inter capita aprorum, cruentum Ioannis Baptiste caput, manibus sanguine stillantibus apponatur. Quis ibi sapientiam Numinis non cernit? Ex immensissima mulieris libidine nata crudelitas illustrissimum Martyrem Deo dedit. Truncatus est ferro, qui noluit conniuere adulterio. Crimen innocens reprehendit, & mortem meruit: mortem, quæ pariter & iniuria fuit, & corona. Nam Furia illa mortem illi, in pœnam procurauit, Deus in coronam. Quare vade adulterium, inde & martyrium exitit; mulieris malitia, Numinis prouidentia...

V.  
Sur. 8. Iulij.

Quæ sanè etiam de alterius mœchæ flagitio sibi Martrem fecit. Siquidem instar nouæ Herodiadis, Ethnica mulier ac Ducissa Geilana, legitimo coniuge perfidè deserto, Herbipoli, Gosberto Franconum Duci, per adulterij consuetudinem, adhæsit; quantumuis legitimæ sui conjugis ille Germanus frater esset. Herodiadem habebat Franconia, debebat habere & Ioannem. Igitur misit, ea tempestate, Summus Pontifex Canon D. Kilianum in illas terræ partes, ut inibi Christum predicaret. Nec cecidit semen in sterilem agrum. Ducecum enim Gosbertum Christiana religione imbuit, atque lustralibus aqua tinxit. Dum eum cœlesti pietate eruditore, monuit, fas non esse Christiano, cuiuscemodi mulierem, contra diuinæ & humanae iura, secum retinere. Et habuit docilem ad omnia. Nam duabus verbis eius persuasus, statuit eam, quam primū e bello redisse, (bellum

(bellum enim illi instabat) à se amoliri. Iuit Dux in militiam, sed non latuit Geilanam consilium, neque author eius, de quo facile erat suspicari, etiamsi nullius illum adulatio prodidisset. Non calet femina, sed ardet, quando irascitur. Quare etiam Geilana, instar leænæ venatoris hastâ sauciæ rugiebat; & commodum absente Duce Gosberto, nullum non lapidem mouebat, ut caput & vitam Kiliani peteret. Tandem duos, è fidissimis, quos habebat, ministris, immittens sicarios, multa jam nocte, jussit irrumperè ad innocentem Christi seruum, cum Colomanno Presbytero, & Totnano Diacono suo nocturnas preces perfluentem. Ibi immanis peragitur lañiena. Occiduntur, pro vno, omnes: ne testis supersit facinoris patrati. Viſa est viciſſe adultera, postquam cecidit adulterij castigator. Sed mox apparuit æquæ gloria innocentum, ac pœna reorum. Cùm enim & alioqui homicidia non diu occultentur, ibi etiam eædes eodem est authore prodita, quo peracta. Vnum enim è percussoribus illico ater spiritus insedit, identidem ciulabiliter clamantem: *O Kiliane, Kiliane, quām me acerbè affligis? Ab igne vror, & consumor. Quod commisi flagitium, calare non possum. Enīs ille impius tuo cruxre resporsus, mibi continuò ante oculos versatur; mibi imminet; me petit.* Talia satis diu vociferans, proprijs dentibus laceravit, quidquid corporis dentibus potuit contingere. E reliquo postea trunco animam, cum dæmone, euomuit in Auernum. Alter verò eius comes, cædis conscius & socius, in rabiem efferatus, atque insanus factus suomet se gladio traiecit, perruptoque ventre, vna & vitam & viscera effudit, vt percussorem ad promeritas, in Orco, flamas sequeretur. Geilana verò haud multò post & ipsa cruciatibus varijs diuinitus afflicta atque obruta, quām, contentissimis vocibus exclamauit. *Merito meo, misera torqueor, qua in sanctos viros tortores immisi. Merito excrucior, que innocentibus cruciatu martyrum preparauit! O Kiliane, quām vehementer instas! O Colomanus, quām potenter ignem excitas! O Totnane, quām diriter flamam sufflas & suffumigas!* O Kiliane, nomen tibi est a calice: quām amarum mihi propinas calicem? *Vicitis me, o martyres. Nondumne etiam sufficit viciſſe?* Talia cùm clamaret, adeò atrocibus agitata est

ta est tormentis, vt à multis validissimis viris vix posset tenari. Ab his tormentis, ad æterna descendit tormenta; punita, non corresta. Ita ostendit, adultera, etiam in hac vita, Deum judgmentem inuenire; si aliud nullum est, quod metuant, tribunal. Sic apparuit, bonis omnia cooperari in bonum; vt enim Confessarij, Concionatores, Exhortatores, virtutes exercent, dum alios reuocant à vitijs; ita & qui adulteria tollunt, possunt martyria mereri. Hoc deniq; pacto ostenditur, quām iracula bestia sit mulier impura. Nilil non audet, vt audeat, quod lubet. Si ergo inferni est imago, habitare cum muliere rixosa & iracunda; quibus libéret habitare cum ea, quā venena, quā vulnera, quā funera meditatur?

## VI.

Prou. 21. 19.

1. Cor. 7. 33.

Nicephor.  
Callist. lib. 8.  
cap. 40.

## VII.

Eur. 11. Maij.

Sed neque cum adultera libet habitare. Qua de causa, etiam Ecclesiæ authoritate, separantur, qui plus ægri experidia tali capiunt, quām si cum fera degerent. Itaque inueniuntur, qui comparis adulterio offensi, toti sese Deo colendo tradiderent, cūm antea essent diuisi. Relicta enim vxore, & rem suam sibi habere jussa, in ordines religiosos intrauerunt; aut alio se in fugam penetrauerunt, Deo seruituri. Paulus ille, inquit Nicephorus, qui ex virtute simplexe est cognominatus, (intet primos Antonij sectatores fuit.) *Quem ferunt rusticam vitam agentem, & cum formosa coniuge habitantem, posteaquam eam in flagrantib; crimine cum mæcho concubentem vidisset, grauiter subridentem, adhibito irreverando, coniunctioni eius renunciasse: eis statim dimissa, ad Antonium peruenisse.* Hic qualis quantulque postea fuerit Asceta, totus orbis nosuit. Ut talis fieret ex uxoris illi flagitio, occasionem præbuit Deus. De adulterio coniugij, de coniuge Mundi nauseam hausit Eremita, vt mallet, in solitudine, inter leones, quām in vrbe cum lupa habitare.

Gangulphus ille, de quo paulo suprà memorau, cūm ruptam à coniuge matrimonij fidem, diuino judicio, compertisse, debitam ab ea pœnas exigere noluit; ne superioris vita innocentiam promulgando aut puniendo alieni sceleris næuo obscuraret, ita tamen est eam allocutus. *Optaram quidem, si fidem servasses, & legi diuinæ conuenienter te geßses, omnia recum vita huius discrimina perpeti, & prospera atque aduersa omnia, vincung, fortassis,*